修華嚴與旨妄盡還源觀

唐大薦福寺翻經沙門法藏述

詳焉 集無疑 塵中 然用就 尋之者罕窮其際 性 備三藏之玄文 旨者山嶽易移 於目前 句絕其增減 通 病起藥興 觀 相而歸法界。 引虚空而示遍。 。轉法輪於毛處。明者德隆於即日。 夫滿教難思 參而 體 今略明 況乃先規有據。窮茲性海。會彼行林 翻為名相之境。今者統收玄奧。囊括大宗 分 。妄生智立。病妄則藥妄。舉空拳以 不雜 。故得藥病雙泯 0 此觀 非無差別之勢。 。憑五乘之妙旨。繁辭必削 0 竊見玄綱浩瀚 乖宗者錙銖難入 。是以真空滯於 際皎然 窺一塵而頓現 0 既覺既 總分六門 。冀返迷方情同曉日 悟。 。靜亂 事依理顯 0 0 心首。 先列名 妙旨希微 何滯何通 0 0 圓宗叵測 輒以旋披往誥 俱融。消能所以 恒為緣應之場。實際居 0 昧者望絕於多生。 自有 後廣辨 0 。缺義復全 0 百非息其攀缘 覽之者詎究其源 0 止啼 覩 一際之形 別舉六門通為 佩道君子俯而 纖毫 0 入玄宗 。出經卷於 緬覿舊章 0 ジ 以 雖則 通 其猶)則法 會 泯 四

顯一體。謂自性清淨圓明體。

二起二用 者海印森羅常住用 二者法界圓明自在用

三者一塵含容空有遍 三示三遍 者 一塵普周法界遍。二者一塵出生無盡遍

三者柔和質直攝生德。 四 行 四德 0 一者隨 緣 四者普代眾生受苦德 妙用無方德。 二者威儀住持有則德

三者性 相止 五 λ 起繁興法爾止。 五止 0 一者照法清虚離緣止。二者觀人寂泊絕欲 四者定光顯現無念止。五者事理玄通非 止

像觀 三者心境秘密圓 六 0 六者主伴互現帝網觀 起六觀 0 一融觀 一者攝境歸心真空觀。二者從心現境妙有 0 四者智身影現眾緣觀 0 0 五者多身入 一鏡 觀

明義故 清淨 顯之殊 性之體 說 因之所生 返流除染而不淨。 如彼 性 0 。遍照法界義故。真實識知義故 0 一體遍照 而無差別之異。煩惱覆之則隱。智慧了之則顯 顯 從本已來性自滿足 故曰自性清淨圓明體也 0 唯了因之所了 體者。 0 亦可在聖體而不增。 無幽不燭 謂自性清淨圓明體。 0 起信論云。 0 0 處染不垢 故 曰圓明 真如自體 處凡身而不減 。自性清淨心義故 0 0 然此即是如來藏中法 修治不淨 又隨流 加染而不垢 有大智慧光 故云自性 雖有隱 0 非生

海印 世間 羅常住用 童男童女形。天龍及以阿脩羅。乃至摩睺羅伽等。 別 及萬象 無量功德藏。法性真如海。所以名為海印三昧也。經云 如大海因風起浪。若風止息。海水澄清。無象不現。 若離妄念 出 三昧威神力 眾生形 世間法 依體起二用者。 一法之所 。言海印者。真如本覺也。妄盡心澄 相各不同 。唯一真如。 0 0 即是一法界大總相法門體。 依此義故 印。言一法者。所謂一心也。是心 0 謂依前淨體起於二用 行業音聲亦無量 故言海印三昧也 。名海印三昧也 0 如是 。華嚴經云 唯依妄念而 0 0 萬象齊現 _ 者。 隨其所樂悉 起信 切皆能 即攝 海 。森羅 論 有差 印森 一切 云 猶

理稱真 成德 邊 末。 真流之行 果之能 行無不修。妄徹真源 經云 度脱眾生亦無限 切皆自在 。普周法界而 今則 性 0 無 嚴淨不可思議剎 法界圓明自在用 相 兩 以契真。 託事表彰。 亡 以佛華嚴三昧力 證菩提。言華嚴者。 0 能所俱絕。顯煥炳著。 。施戒忍進及禪定 何有飾真之行 0 所以舉華為喻。嚴者。 相無不寂。故 0 。是華嚴三昧也 供養一切諸如來。 0 依此義故 0 華有結實之用 不從真起。 。智慧方便神通等 口法界圓明自在用 故名嚴也 。謂廣修萬行稱 0 名華嚴三昧也 放大光明無有 行成果滿 此 則真該妄 行有感 以 如

遍也 。言三遍者。 示三遍者 0 者 謂依前二用 0 一塵普周法界遍。 0 用中 謂塵無自性 普周法界 故云 攬真

成立 中見法界 一塵普周法界也 真既無邊 寶光現 。塵亦隨 佛 如雲集 爾 0 0 經 此是如來剎自在 云 華藏世界 所有塵 準此義故 塵

染即淨 無前 周性 海。 非情 不通 常樂我淨義故 云 塵之上 據其所說則一塵之上。 故 故 至樹林塵毛等處 至無有所少義。故 具恒沙眾德 何名大乘法 更互相容相攝 同會 當 後 海 十身互作自在用故 何者名涅槃。云何名煩惱。云何名菩提。 者 今時修學之徒 即三身即十身。 知 真源朗 即因 何 一法道場中。 何者是染。 一塵即理 以 。依真起用亦復萬差 塵出生無盡遍 即果 故 。請垂開決聞所未聞 。清涼不變自在義故 。由此 現 0 一即事。 各具重重無盡境界也。 經云 0 一一無不皆是稱真如法界具無邊德 0 處 云何名淨。何者為真。 即同 0 如是法性佛所說。 云何曉悟達於塵處 理無不顯 何 。如此華藏世界海中。無問若 _ 0 塵虛相能翳於真。 塵而耀全身。 即異。 即人即法 唯普眼之境界也 以 故 謂塵無自體 0 即 理事無礙 。起信論云 。事無不融 0 0 。具足如是過恒沙 答。大智圓明 即多 即彼即此 萬法 智眼能明此方便 經云 0 0 0 0 起 即廣即 頓 事事無 起 即是染也 何者稱俗 。真如者 0 如上事相之中 必同時 必 文無不釋 決羣疑 云 0 即依 依真 何名小乘法 切法門 礙 狹 0 即正 山若河 覩 功 0 纖毫而 真如 且於 法 自 由 依 德 即 何者名 義無 此塵 無盡 如是 情 此義 體有 問 乃 理 即 既

盡遍 是大乘法也 分 相 觀塵相生滅相 塵相緣生幻有 相空無所 時 別 體 切 無遍計 法 同 。即是煩惱 門 問 無盡海 有 如 來 0 即是小 即是淨也 盡 如是略說 0 0 即是俗 。由塵相體本空寂緣慮自盡。 0 0 如來唯以 空無有實。 一言演說盡無餘 乘法也 也 。若具言之 由 一塵字而 由於塵相念念遷變。 此塵性本 0 由塵性無生無滅 即是涅槃。 為解釋 0 0 ·體同 依此義故 假使 由塵相大小 如 0 切眾生懷疑各異。 宜深思之 即是菩提 即是真也 0 名 依 即是生死 他 一塵出生無 似 皆是妄心 0 經 由塵 由此 云 由

實色 礙空 即空 之 勝微言 理 取色外空 此真空妙有猶有三疑 塵內 端 即 三 。良由 成大智而 空是真空必 透出筌罤之表 得塵含十方 如 纖毫彰於圓教 塵既 切塵亦然。有一聰慧人。淨眼普明見。破塵出經卷 三者疑空是物取空為有 悲智不殊。 幻色無體 塵含容空有遍 具如 不住生死 不礙色。若礙於色即是斷空 0 無虧大小 上真空妙有 0 0 0 經云 方為真實也 必 。奇特聖眾 一者疑空滅色取斷 不異空。真空具德 0 觀空即色。 0 謂塵無自 如有大經卷。量等三千界 念包九世 0 當知 0 0 0 輕埃現 寶性 今此釋云 成大悲而 性 _ 論云 滅 即 0 一塵等亦 於全軀 空也 延促 空 徹於有表 0 0 0 0 色是 同時 若 二者疑空異 道前菩薩 不 爾 礙 住 幻 0 逈 於 涅 幻 相 超言慮 若 空 故得殊 色 槃 在於 即是 必 觀 不 於 以 色 即

智體 廣饒益眾生等。 既其無邊 0 若據理而言。 故 **日量等三千界。依此義故** 即塵眾生妄計經卷。 0 名 一塵含容空有 即大智圓 明

差 智故 之端 水 性 眾生根器不等。受解萬差 緣 妙 令得服行 四 澄 用 種 攝末歸本故 行德 形 顯應無非 。實無度者 自 名為妙用 舉隨緣而 下 又真不違 依此 不動 0 維摩經中具明斯義。又以大悲故 一者。 能遍之境 _ 而呈萬像 會寂 妙用 俗 際 。 又 。名為妙 故 隨緣妙用無方德 0 用則 隨緣 不壞假名而常度眾生。故 。良以法無分齊。 0 若曦光之流彩 而 0 用 故 波騰鼎沸 。俗不違真故 行 0 樂欲不同 曰隨緣妙用無方德也 0 四德 又理即事故名隨緣 0 謂依前 0 0 全真體 0 謂依真起用 。應機授法 無心 起必 妙用 一塵能遍之境 以運行 而 同時。真理不 0 0 又依本 名曰隨緣 朗十方 曰隨緣了 0 0 0 事 應病 廣利羣生 0 起末 體 即理故 0 知 則 如 與藥 0 眾生 以大 而修 明鏡 礙 鰖

真淨 苦海之 授澆 屬淨修梵行 甚可悲矣 小 乘三千 訛 迅航 故 者。威儀住持有則德。 師於己見 令 故瑜 為住持之楷模。 初學觸事成 0 華嚴經云 拯物導迷莫斯為最 伽 0 論云 致使教無綱 非 0 0 非大沉非小 戒是無上菩提本 0 整六和之紊緒 不 謂行 紀 依 經律 0 0 住 但 濫挹淳流 坐臥 · 浮 。 以金容匿彩正教陵夷 0 混 四 常住於正念 亂凡 0 0 威儀也。 出三界之梯隥 應當具足持淨戒 得失齊舉 情 0 自 陷陷 妄參 萬。 傳 越

此義理 無淨時 被無明 念寶性 梵 過罪 毀禁 體 科 譬如大摩尼寶。 遠離貪瞋欺詐諂 犯 寔佛法之平地 趣涅槃之根本。作毗尼之漸次。為七眾之崇基。萬善藉此 具威儀 相 ら と 生大怖 網 佛體無二。具足一切 比 慧為定用 。是故 經云 在家之儔通持五戒。 煩惱 故 丘威儀自端嚴 用此威儀住持。 在家之流 不 準此義故 0 0 隨 **- 垢染**。 不得輕於如來所制禁戒。常護譏嫌。 微塵菩薩眾由是成正覺。起信論云 以 云威儀住持有則德 種種磨治 。三學圓備即證菩提 順法性行尸波羅蜜。 0 經云 體性 曲 若人唯念真如 邪見。 0 0 身纏 明淨。 理須持戒也 0 0 怨家之人不能近。若不 以 尸羅不清淨。三昧不現前。 0 功德者。何故要須威儀等戒行耶。 俗 亦應遠離慣鬧。少欲 夫三歸五戒者。 終不得淨。真如之法 化眾生也 久被塵累。 網寧無愆犯 0 0 問 0 不 所謂不殺不盗不淫不妄語 0 問。 四分律云 0 以持戒定慧種 出家五眾。 而有麤穢之垢 0 答。 準上文所說 蓋是出苦海之津梁 知足 出家之輩自有嚴 0 如法即被訶 0 0 第 體性 不令眾生妄起 以 當知戒為定 超然出 種熏修 知 0 一持戒不毀 空淨 法 乃至小罪 。真如 若 性 而 俗可 體無 人唯 久 依 終

直者。 故 伏 日柔和 滅煩惱 三者 體無妄偽言行相符。蘊德居懷不拘名利 0 柔 又質直者 和 和質直攝 則 順理修行 0 生德 約本性不遷 0 謂 用茲調 大 智照真名 。柔和者 和之法 為質直 以 0 約隨流 攝眾生也 0 輕金若塊 不滯 大 悲 又質 柔 重 物

教逾珍 但為正業調生。 速願自他圓滿 0 故 口柔和質直攝生德

也

菩薩 樂 力 蘊空寂自性本無 住 入三塗 此世界無諸垢 云 大悲大願 利羣生 故 廣大悲雲遍 盡未來際 顛 止 而 者。 但 觀 倒 能普代眾生受苦。答。 名為普代眾生受苦德也。雜集論云 冤親平等 兩 以眾生妄執。不了業體從妄而生。無由出苦 以身為質(音致)。 普代眾生受苦德 門 離 煩惱 心無退屈 0 。謂眾生妄執念念遷流 一 切 心無暫替。 0 故云離苦 所惱 0 普令斷惡。 。捨身無量等剎塵。 。不於眾生希望毛髮報恩之心 0 於三惡趣。救贖一 得最上菩提。 因果喪亡 0 0 菩薩代眾生受苦者。 問 謂修諸行法 備修萬行 。眾生無邊 。名之為苦。菩薩教 。苦業無由得生 已上明 以昔劫海修行力 0 0 切受苦眾生要令得 速證菩提 0 不為自身 。苦業無邊 於不堅堅覺 四 種行德竟 由 大悲方 0 0 。華嚴經 菩薩 但令 又 但 0 菩薩 云 令了 今 何

為西 等虚空 周法 眾生本來無不在如來境界之中 諸無相 當 界 自 定 相 乃至悟已 即空 入無 攝 見諸法寂靜 切眾生入 用 入 歸體 相 相盡心澄而 0 西即是東。更無別東而可入 0 λ 名為 0 五止 而實無所入 0 常 入 門 修止也 也。華嚴經云 入平等故 0 。更無可 五 止 0 0 一門者 又準 所言入者。 0 敬禮 入 0 也 λ 0 謂 血無所觀 如來深 佛境界 0 依 如 也 前 性 人 0 能 迷故 ·境 相 眾生迷故 行 經云 俱泯 此 四 調東 其量 切

便

真如 平等。 也 謂妄可 門 此義亦爾 同 捨 也 法界也 謂真可入 。不 入而 。起信論云 0 乃至悟已。妄即是真。更無別真而 λ 。故云入 。若有眾生能觀無念者。是名入 也 0 何以故 0 入與不入本來 可入

不在緣故 俗諦之法 心境不拘體融虛廓。 言五 止 0 似有即空。 一者。 依此義理故 者。照法清虚離緣止。 真俗清虛蕭然無寄 正證之時因緣俱離 。云照法清虛離緣止也 謂真諦之法本性空寂 。維摩經云 0 能緣智寂所緣境空 。法不屬因

名為絕欲 者 0 觀 故云 人寂泊絕欲 觀 人寂泊 絕欲止 止 謂五蘊無主名曰寂泊。 也 空寂無求

俱興 切法 故 日繁興 三者 法爾歸性 即其義也 0 古今常然名為法爾 性起繁興法爾 0 故 曰性起繁興法爾止 止 0 謂 0 謂真如之法 依 體起用名 0 經云 為 0 法爾隨 性 0 起 從無住本立一 0 緣 起應萬差 萬法

中 萬字輪王之寶珠 空。不為二乘外道塵霧煙雲之所障蔽。故曰定光顯現無念止也。 勝七寶。來處不可得。 念者皆從 無思無慮任運成事。 者。定光顯現無念止。言定光者。 雖現奇功。 0 謂此實珠體性 業性亦如是。若有眾生入 心無念慮。華嚴經云 如彼實珠遠近齊照。 0 明徹十方齊照 謂 。譬如轉輪王成就 乘教中白淨寶 分明顯 此大止妙觀門 0 無思成事 現廓徹虚 網

事 悲救 也 顯 故 上來明五止竟 物萬行 互存互奪 五 日玄通 者 理事玄通非 紛然 故 又 0 日玄通 理由修顯故 悲智雙融 相 止 玄通者。 0 性 謂 。事徹於理 相俱泯 幻 相之事 謂大智獨存體周 0 故 0 0 日理事玄通 行 無 從理 性之理 起 法 0 非 界 理 互 隱 相 徹 大 於 止 互

大爱海 者 請示 搏 鳥 世間 本來無想 故 相 之 ジ 何更要入 除 坐正 取 過 捨 0 切 要修止 迷徒 魔境自然遠離 以 離 不依見聞覺 ら い 又無師匠 自 能 意 遠離凡夫不修善根 左右兩 水 若不修止 拾二乘怯弱之見 止 依 如 ら い 一觀也。 來出 若 令歸正路 令其兩闢 觀 不 止 念念不 依氣息 馳 兩 翅鼓揚海水 起 0 世亦復 散 知 門 諮問莫憑 觀 問。 生 觀 耶 0 0 0 問 凡夫初學。 即當攝來令歸正念 0 0 。無由得入菩提之 0 0 止觀 0 答 答 念念不滅 觀諸眾生 如是 切諸想隨念皆除 不依形色 準上義 0 0 0 0 0 兩門既為宗要。 若修 令其兩 起信云 以 依起信論云 依 0 此義故 以大止 四魔功 邪正未分 觀者 理 0 。亦不隨 0 闢 根成熟者而度脫之 。若修止者。 0 不依於空。 依之 妙 0 0 0 0 對治二乘不起大悲 止觀 觀 路 將為正道 觀諸龍眾 。若修止者。 0 0 亦遣除想 而 修 。魔 ジ 常勤正念唯心 。華嚴云 凡夫初學未解安 為兩 兩 外念境界 行 門 網 不依 對治 足 翅 0 0 λ 0 共相成 命將盡者 為 。 譬 ジ 地 日月經久 0 0 住 圓 水火 鼓揚眾生 凡夫住著 以 於靜處 依此義 然後 欺誑行 如 識 金翅 助 狹 切法 觀 云 劣 而 不 以 0

邪見 既 深 無令暫替。 設遇良緣 此義如起信論中 0 終成 難改 說也 沈 淪苦海 0 出 離無由 0 深自

大用自在無障 理事無礙法 六 起 如是故 觀 礙故 者。 依前五門即觀之止 0 0 定慧雙融離分齊故 0 而 0 起 即止之觀 多相即絕前 0 何 後 以 故 故 0

曾無 此方 空 即 觀 别 云 即 不生 心造。心外更無 知 如 不生 由 ジ 智慧甚深 言六觀者 依唯識 外境 世有醫王 由 又 經云 知諸法唯心 沙 0 現境 故 能與心為緣 0 0 故 0 。未達境唯心 。境本無體 一法可得。 者。 以 曰 0 妙藥救 由境 攝境歸 。便 攝境歸心真空觀 現 0 病 何以 捨外塵相 故 N'S 心真空觀也 故曰歸 0 0 。真空義成 0 起種種分別 故 諸佛亦 ジ 不至境 0 <u>ن</u> ° 由心不起 0 如是。 由此息分別 謂一 0 謂三界所有法 0 0 境不 以塵無有故 0 切 為物 達境唯 0 分別但由自 外境本空 λ 說 心 0 唯 心已 悟平等真 0 當作此 ジ 本識 唯是 分 論 以

又 故 前門 曰 攝 從 二者 相歸體 中 ジ 現境 攝 從 妙有 相歸體 ジ 0 現 今 境妙有 觀 此 門 也 顯 出法身 中 觀 0 依 0 體起 即事不滯於 0 今 用 此門中依體起用修成 0 具修萬行 理 隨事成差 0 莊嚴 報 報 謂前 身 土

成法身 三者 境者 ジ 境 0 ?祕密圓 謂無礙境 融 觀 0 諸佛證之 言 ジ 者 以成淨土 謂 無 礙 ジ 0 謂 諸 如來報身 證之以

佛身 會通 起神變 各有 說 及所依淨土圓 如是 四 ら い 境 洲 如 依 毗 經 四 0 盧遮 故 正 云 大海。 混 融 曰 。華藏世界所有塵。一 那法 心境 融 無礙。或身現剎土。 須彌鐵圍亦復然 0 無有分齊 如是 秘密圓融 就此門中 0 觀 謂前兩 也 。悉現其中無迫隘 如經云。 0 一塵中佛皆入 分為 觀各述 四句 _ 毛 一邊 0 孔 如 0 。普為眾生 中無量刹 今 玄談疏 。或剎現 此 雙融

真性 亦蒙 空 如是 潤 猶 智體 四 者 益 如 照寂 日 0 智身影 令 故 輪 知 日 0 0 諸緣相 照 智身影現眾緣觀也 時節寒熱之 現逈處虚空。有目之流無不親見 現眾緣觀 盡 0 期 如 0 謂智體唯 如 草木無情悉皆滋長 獨存 0 謂有為之法無不俱 — 0 能鑑眾緣 。生盲之輩 如來智日 緣相本

十身互 或 空身 定 經云 業報身 身意亦復 如 力 多身 身有十身互作 故得有如是 。互用無有障礙也。 五者 或 如是十身 聲聞身 如是 入 0 以多身作 多身 或 一身 以 0 何 眼處作耳處佛事。 λ 0 0 0 0 非 緣覺身。菩薩身。 隨舉 一身 以 一鏡像觀 或 0 故 — 一身沒多身生。 以異境入定同境起 一毛孔 0 0 _ 經云。或 身攝餘九身。故 或 證此大止 以 0 即事事無礙法界也。 0 一身作多身 一一身分 以自身。 或 妙觀法力 非多身沒 如來身。 以耳處作眼處佛事 0 0 日多身入 作眾生身。 或以同境 或 加 智身。 持 一支節中 以 身生 謂 身 得如是故 法身。 毗 入定異境 鏡像 國土 皆由深 盧遮那 鼻舌 皆有 虚

起。 鏡像觀也 以 一身入定多身起。 或以多身入定一身起。 故 日多身入

法為主 故 也 之 勒菩薩前 至毗盧遮那莊嚴大樓閣前。 盡。亦是悲智重重無盡也。如善財童子。 即主伴齊收 以表法界重重。猶如帝網無盡也。此明善財童子依此華嚴法界 0 見樓閣中有百千樓閣 開 故云主伴互現帝網 六者 行 樓閣門令我得入。彌勒彈指其門即開 0 位極 主 各有善財童子 切法為伴。或 。重重無盡。此表法性重重影現 伴互現帝 頓證法界也 網 觀 以 觀 0 0 0 暫時飲念。 一一善財童子皆悉合掌在彌 亦是事事無礙觀也 0 一一樓閣前各有彌勒菩薩 _ 0 此舉 身為主 謂 以 _ 自為主 樓閣為主 0 _ 白彌勒菩薩言。唯願大 從祇桓林中漸次南 切身為伴 0 望他為伴 。善財入已還閉 0 0 切事中皆悉無 _ 切樓閣為伴 隨 或 舉 勒前 一法 以 彌 如

隱顯 五百聲聞玄鑒絕分 於 收法界圓滿教理 終俱齊 剎 孔之中 同時 觀門名目無定 那 此 上所述 隨 十信道圓 0 即 λ 六重觀 際絕其始終 一門 全收珠盡。此亦如是。 0 法自爾故 即全收法界。 。若據 0 0 融 門 一念該 通無礙 0 舉 一體為名。 出入亡於表裏 於佛 一為主 0 善財 一多交參 此 地 理喻 0 _ 0 開為六門 餘五為伴 即是海印炳現三昧門 生皆全證故 致使地前菩薩觸事生疑 如 0 圓珠穿為六 0 圓證相應名為佛 初 心正覺 0 隨入 無有前後 卷舒無 孔 一門即 攝多生 隨 若 始

等義。非情所圖。識盡見除。思之可見。余雖不敏。素翫茲經 聊伸偶木之文。式集彌天之義。頌曰。 無生既顯幻有非亡。攝法界而一塵收。舉一身而十身現 昧門。如是等義隨德立名。據教說為六觀。隨入一門眾德咸具。 而言。即為寂用無礙三昧門。若取六觀為名。即是佛果無礙三 十方三昧門。若準四德為名。 約二用而 論。即名華嚴妙行三昧門。若據三遍為言。即是塵含 即名四攝攝生三昧門。若約五止 0 如斯

備尋諸教本 集茲華嚴觀

文約義無缺 智者當勤學

修華嚴奧旨妄盡還源觀

卓之識 塔記。 在綱 耳 莫斯為最 顯 皆國師之語章章焉。 蓋準唐中書舍人高郢序北塔銘耳。淨源向讀唐丞相裴休述妙覺 經 此亦晉疏玄談 試陳其一二焉。觀不云乎。用就體分。非無差別之勢。事依理 而思。夕而玩 錢唐通義大師。子寧重校其辭。寧公學深知古。力考諸文 。自有 乃知斯觀實賢首國師所著斷矣。 昔狐 而考文責實。章灼同異意。 。探乎深辭 記且謂。華嚴疏主仰賢首還源翫味亡斁。 。豈獨疇昔有之乎。 山智圓法師嘗稱。杜順尊者。 0 一際之形。茲乃義海百門之一也。又曰 豈非般若心經疏序歟 。因與源曰。賢首所集具引之語救而得之矣。 。又已明矣。源應之曰。夫有條不紊。表其網之 。貴其通於輿義。然則君子僧博覽祖訓 熙寧元年冬十一月。特抱諸郡觀本 源愛通義師傳慈思祖教 猶吾心也。於是乎題之卷末云 0 又謂。就此門中分為四句 抑又觀中。具引三節之文。 抉華嚴深旨。 若驪龍之戲珠 0 拯物導迷 而撰斯文 講 。再請 負卓 請 朝

紀重校 竟

相通 病「妄」 則藥「妄」:讀音「亡」 ,此讀音時與「亡」

恒為緣「應」之場: 大正藏用字為「慮」

「緬覿」舊章:讀音「免狄」,龍藏用字為 0

觀人寂「泊」絕欲止:藏經用字為「怕」,讀音「博」 ,

此讀音時兩字相通。恬靜,淡泊。

五 「今」則託事表彰: 大正藏用字為「 令 0

六 一逈 超言慮之端:讀音「炯」 0

七 透出「筌罤」之表:讀音「全題」。 又作筌蹄 比 喻經

或言語皆是引導修行者入佛境地之道具,若達於真理 即

可捨之。

入 出三界之梯「隥」:讀音「鄧」

九、濫「挹」淳流:讀音「意」。

十 「愆」犯:讀音「千」 ,愆犯係指因過失而觸 犯律法

「寔」佛法之平地:讀音「實」。

有目之流無不「親」見:大正藏用字為「覩」

十三、素「翫」茲經:讀音「萬」。

十四 蓋準唐中書舍人高「郢」序北塔銘耳:讀音 影

十五、亡「斁」:讀音「易」